



Tunumi aalisarnerup ineriartortinneqaqqinnissaa pillugu apeqquteqaat aallaavigalugu oqallinnissamik siunnersuut

(Inatsisartunut ilaasortaq Lars Poulsen, Siumut)

Qujanaq Inatsisartunut ilaasortaq Lars Poulsen siunnersuummut.

Ullumikkut Tunumi aalisarnerup ineriartortinneqarnissaa pillugu pingaarutilimmik oqallisissaqarpugut minnerunngitsumillu Tasiilap nunaqarfiisalu siunissaannut tunngassuteqartumik. Uannut politikikkukut tunngassuteqaannangilaq. Uannulli inuttut pingaaruteqarpoq.

Uanga nammineq Tasiilameersuuvunga. Ulluinnaat ilisimaaraakka. Periarfissat nalunngilakka. Aammali ilisimalluarpakka, ingerlalluanngettortai.

Nammineerlunga misigisarpara, ineriartornerup Tuna qaangiinnakkajuttaraa. Nammineq uanga ulluinnaarissani ilisimavara, inuit pikkorissorpasuit sulerusuttut, pilersitserusuttut suleqataarusuttut, kisiannili sinaakkutit pigineqaratik. Tassa piviusoq, ilungersunartutut tigusariaqagarput.

Eqqortormi unaavoq, Tasiilami aammalu Tunumi pisoqanngippallaarpoq. Inuusustissarsiutinut inerisaasoqanngippallaarpoq. Aningaasaliissutit ikippallaarput. Suliniutit tigussaasut ikippallaarput, suliffissanik pilersitsisinnaasut siunissamullu neriulersitsisinnaasut. Tamanna ajornartorsiutaavoq. Tunumiinnaanngitsiq, nunatsinnulli tamarmut.

Nukiimmi pigereerpagut. Ilisimavarput, tunup imartaani annertuumik piukkunnaatilinnik peqartoq. Piukkunnaatilli kisimik ineriartortitsinermik pilersitsisinnaanngillat. Iliuseqarnermik pisariaqartitsivoq. Nuannerpoq, pitsaanagerusumik tunitsiveqarnermut periarfissat tikkuarneqarmata, pisat katersornissaanut nutaanik inerniliinissat aammalu piffinni nioqqutitsiornerup ineriartortinnissaat.

Nassuerutigisariaqarparpulli. Periarfissat kisimik oqaluuserineqarnerat naammangilaq. Ukiorpasuarini taamaaliortareerpugut. Massakkut, iliuseqarnissaaq pisariaqartipparput. Demokraatit tungaanniit isumaqarpugut, Tunumi ineriartorneq sammivinnik pingasunik ersarissunik aallaaveqassasoq.

Siullermik aalisartunut pitsaanagerusumik sinaakkusiissaagut. Angallatassanut pilersaarusionerq, tunitsiveqarneq niuerfissanullu periarfissat pineqarput. Aalisartut pisatik sunniuteqarluartumik tunisinnaanngippatigit, ineriartorneq unittuusooq, sulii aallartillu arani luunniit.



DEMOKRAATIT

Aappaattut piffinni nalilinnik pilersitsineq annertunerusumik ukkatarisariaqarparput. Isumaqqanngilaq, nioqqutissiassat piffinniit annissuukkutsigit suliffissanik pilersitsinngivilluta. Tunisassiornerit- aamma suliarinninnissamullu periarfissat arlallit assersuutigalugu Tasiilami aamma Kulusumi malunnaatilimmik allannguisinnaapput.

Pingajuattut siammasinnerusumik inuussutissarsiornerup ineriartortinnissaanut eqqarsarnissamut sapiisuseqarnerusariaqarpugut. Aalisarnek qitiuvoq, kisimiillunili ingerlalluarsinnaanngilaq. Aningaasaliissuteqarnissaq pisariaqarpoq, atortulersuutit sinaakkutillu pitsaannerusut, Tunumi suliffeqarfimmik aallartitsinissamut ingerlatsinissamullu pileriarnersitsisussat.

Tamakku tamarmik inunnut tunngassuteqarput. Inuusuttut Tasiilami namminneq illoqarfigisaminni siunissami najugaqarnissartik takusinnaasariaqarpaat. Ilaqutariit najugaqaannarnissaat. Nuuttariaqannginneq, periarfissaqarnissaq anguniarlugu.

Ullumikkut imaakkajuppoq, periarfissaqassagaanni aallartariaqarnek. Taamaattariaqanngikkaluarpoq.

Nunamik oqimaaqatigiissumik pilersitsissaagut. Taamaaliornissatsinnullu pisariaqarpoq, aamma pingaarneriuinissarput, ullumikkut isiginngitsuusaarneqartartunut. Oqaluinnarani iliuuseqartoqartariaqarpoq.

Tassalu Demokraatit oqallinnermut tassunga isummersuutigigallagaat.